



CONSELHO DE IMPRENSA DE TIMOR LESTE

Avenida Bispo de Medeiros, Quintal Bo'ot, Dili

E-mail: kontaktu.ami@conselhoimprensa.tl

Nú. kontaktu: + 670 73553013, 73553014 no 73553015

Termus de Referénsia Tarefas Kontratu ba Konsultor Jurídiku

A. Antecedentes (background)

Conselho de Imprensa (CI) nu'udar Instituisaun Públiku ne'ebé ho natureza autónoma iha asuntu Administrativu, Financeiru no mós Patrimóniu. Instituisaun refere komesa ezisti kuaze tinan tolu ho balu ho prepara kondisaun atu halao ninia atribuisaun importante sira ne'ebé temi iha artigu 43 iha Lei Komuniksaun Sosial mak hanesan matan ba konduta profesionál étika jornalista sira nian, operador ba meio KOMSOS nomós garante katak jornalista sira no orgaun KOMSOS ho ninia meu sira tenke kumpri kondisaun sira ne'e. Hodi hala'o atribuisaun sira ne'e mak CI mós iha kompeténsia rasik ne'ebé temi iha artigu 44 husi Lei KOMSOS.

Atu hala'o atribuisaun no kompeténsia sira ne'ebé temi iha leten mak, CI hetan autonomía hodi hala'o mós asuntu tolu iha leten. Maibé iha realidade Conselho de Imprensa hala'o ninia kna'ar tuir Lei KOMSOS, Decreto Lei ne'ebé kria no aprova Estatutu Conselho de Imprensa no mós mandatu husi Decreto Lei mak plenária aprova liu husi deliberasaun hodi produs regulamentu balu hodi fasilita operasaun servisu CI nian. Maske iha ona Lei, Decreto Lei no mós regulamentu barak maibé seidak bele kobre hotu problema sira ne'ebé CI infrenta mak hanesan utilizasaun Patrimóniu CI nian no mós kuadras pessoal CI nian ne'ebé sei hasoru problema barak kona-ba salariu Decimo terceiro, avaliasaun dezempenho ba funsionáriu sira, aumento saláriu ne'ebé rezulta husi funsionáriu sira ne'ebé merese hetan eskalaun inklui mós funsionáriu balu ne'ebé iha esperénsia barak antes mai iha CI.

Ho fenómena sira ne'ebé mosu dadaun ne'e mak Conselho de Imprensa aplika regra sira ne'ebé iha ona maibé la konsege rejolve problema sira ne'e ho diak, entaun husi analiza ne'ebé Diresaun Apoiu Jurídiku Étika no liberdade Imprensa detekta katak iha alinea (b) husi número 2 husi artigu 2 iha Decreto Lei nú. 25/2015 hatete katak *“to'o tinan ida hafoin liu tiha loron 1 fulan Janeiru 2016, ka fó tiha pose ba membru sira, bazeia ba saida maka haree tuir mai Conselho de Imprensa; (...) (b) halo regulamentu kona-ba organizasaun no funsionamentu Conselho de Imprensa nian, ne'ebé temi pelumenus, kona-ba recrutamentu, kareira kondisaun sira prestasaun no disciplina servisu nian, kona-ba área sira intervensaun Diretór Ezekutivu nian no kona ba fatin, periodu funsionamentu, meu no detallu sira hodi halo kontaktu ho Conselho de Imprensa.”*

Bazeia ba artigu iha leten mak membru Conselho de Imprensa aprova ona deliberasaun nú 1/2016 iha loron 16 Maiu 2 kona regulamentu Internu Conselho de Imprensa ne'ebé koalia kona-ba ba kna'ar kada diresaun ezeutivu sira iha CI. Maibé regulamentu ne'e seidak bele resolve, tanba ne'e mak liu husi Termos Referénsia (TOR) ida ne'e CI konklui katak prezisa altera Regulamentu número 1/2016 hodi

koloka asuntu sira ne'ebé seidak konsidera iha regulamentu refere nia laran hodi bele aplika ba situaun sira ne'ebé sei sai problema iha CI mak hanesan utilizasaun patrimóniu, tabela saláriu funcionáriu sira, feriadu ba funcionáriu, avaliasaun dezempenho no promosaun no seluk tan ne'ebé Konsultor Jurídiku bele detekta atu bele koloka ba Regulamentu ne'e nia laran hodi sai diak liu tan. Ho rajaun sira ne'ebé temi balu ona iha leten ne'e mak Conselho de Imprensa ho planu atu kontrata konsultor Jurídiku ida atu halao servisu sira mak temi iha objetivu tuir mai ne'e.

B. Objektivu

Conselho de Imprensa hakarak buka no kontrata Konsultor Jurídiku ida atu halo analiza klean no fó mekanismu ne'ebé adekuaudu atu ajuda CI bele solusiona problema sira iha implementasaun Lei Komunikasuan Sosial (lei número : 5/2014), Decreto Lei número 25/2015 Ne'ebé Mak Kria no Aprova Estatutu CI nian nomós lei seluk hanesan Lei Partimonio Estadu (Decreto Lei nú. : 32/2011), Lei OGE nian (Lei nú : 13/2016), Decreto Governu número : 2/2017 kona-ba Ezekusaun Orsamentu Estadu, Lei Funsau Publiku (Lei número 5/2009).

Solusaun ne'ebé mak sei oferese prezisa hatur iha Regulamentu Interna Conselho de Imprensa nian atu apoiu diresaun administrativu atu ezekuta sira nia knar ho diak no tuir lei.

C. Rezultadu Serbisu

Produitu ne'ebé mak CI hakarak hetan hosi servisu konsultor Jurídiku mak:

1. Pareser ida ne'ebé fo panorama implementasaun jestaun rekursu, administrasaun no finansas ba orgaun autonoma.
2. Regulamentu Promosaun Pesoal Conselho de Imprensa
3. Regulamentu ba Direito Regalias
4. Tabela Saláriu
5. Regulamentu Utiliza Patrimóniu
6. Regulamentu eleisaun membru Conselho de Imprensa

D. Tempu

Regulamentu Internu ne'ebé hakerek iha leten tenke remata ona molok tama tinan foun 2020.

E. Tarefas ba Konsultor Juridiku

Konsultor Jurídiku bele mai ho ninia tarefas rasik depende ba ninia natureza serbisu maibé konsidera mós serbisu sira hanesan tuir mai ne'e:

1. Halo análiza tomak ba Lei Komunikasuan Sosial (lei nú. 5/2014), Decreto Lei número 25/2015 ne'ebé kria no aprova Estatutu CI nian, deliberasaun nú 1/2016 Conselho de Imprensa nian kona-ba Funsionamentu CI nian liga ho Lei funsau publiku (Lei nú. 5/2009) nian ne'ebé aplika jeralmente ba funcionáriu CI, no mós lei seluk ne'ebé relevante.
2. Diskuti ho membru no ezeutivu sira atu hetan informasaun ligadu ba situaun atual instituisaun nian.
3. Apresenta rezultadu serbisu iha plenaria Conselho de Imprensa atu hetan apresiasaun.
4. Apresenta rezultadu serbisu ikus ba Conselho de Imprensa.

F. Pagamentu ba Konsultor Jurídiku

Conselho de Imprensa sei selu bazeia ba servisu no invoice ne'ebé mak manda mai iha Conselho de Imprensa

G. Durasau Servisu

Durasau servisu hahu husi lora 1 Marsu 2019 – 31 Dezembru 2019.

H. Horáriu servisu

Oráriu servisu sei ofrese husi kompañia ka pesoal ne'ebé hetan ona konsiderasaun atu servisu hamutuk ho CI.

I. Kompañia ne'ebé hetan kontratu ho CI

Kompañia ne'ebé mak hetan kontratu ho CI, tenke iha dokumentu legál, legalizadu no sei validu hanesan tuir mai ne'e;

1. Estatutu Kompañia
2. Lisensa Atividade Komersial
3. Sertidaun Dívidas
4. TIN
5. Fatin ka denah Eskritóriu kompañia

J. Liña Koordenasaun

Konsultor Jurídiku sei servisu hamutuk ho Diresaun Apoiu Jurídiku Étika no Liberdade Imprensa (DAJELI), Diretora Ezekutiva. Konsultor jurídiku sei apresenta rezultadu servisu iha plenária CI.

Dili, 21 Feveiru 2019

Prepara husi



Antonito D. R. Baptista

Tekniku DAJELI

Rekoñesimentu husi :



Olderiku Araújo da Costa

Diretór DAJELI

Aprova Husi



Ana Teresa Sequeira
Diretora Ezekutiva